

馮氏錦囊秘錄
卷五
利

亥23

37224



卷五 發熱門

發熱諸論

論熱症症禁忌

論氣虛血熱熱毒重過症治法三則

論寒熱

辨疑似

錦囊求情論

發熱門雜症

內有未備者悉其總論症要門參看

吐瀉

腰痛

煩燥

驚搐

論寒者閉塞

發熱三朝順逆險

碎錦

卷六 見點門

見點諸論

部位

驗形察色 言出痘形圖

袁氏入門

論氣血交會

見點門夾症雜症

內有未備者悉其總論症要門參看

夾斑

夾疹

夾九瘡

腹脹

失血

見點三朝順逆險

碎錦

見點證治歌括

馬氏錦囊秘錄

卷五 利



馮氏錦囊秘錄痘疹全集卷五

姪 謙益恭存

海鹽馮兆張楚瞻甫纂輯

門人陳成斌質菴金鼓

孫 以章國英

發熱諸論

初發悠悠身熱。尤宜氣息和平。二便自調。而容不改。兼之
睡臥安寧。見點尖紅光潤。飲食如常。便見症來順候。初熱
而吐瀉腹疼。昏迷而不省人事。悶亂喘急。或連熱齊敷。色
不光潤。及紫泡黑陷。固已皆爲逆症。更如肌色青面晄白。
精神少而倦怠。視此當作虛看。痘出決然不振。再見便痛。



北京中医药大学图书馆版权所有

覘乳只須補益爲先。若還熱盛而氣粗煩燥而不寧。譫語
狂言。均爲內熱。如加喘滿腹膨。便秘。須知熱擁肌膚。燥
而毛色焦。口氣熱而身燔灼。此則蓄熱鬱遏內症。固重而
外症尤烈。腹脹口張而喘急。啼聲不絕而嘎嘎五竅不通。
須防失血。點來隱隱。出恐復顛。吐乳更兼搭眼。面青又見
搖頭。狂亂忽生。此乃發驚先兆。然熱甚者。只宜清涼發散。
不可峻用。苦寒發散。則毒得外出而熱自解。苦寒則毒反
冰伏而出愈難。其發散之劑。輕則如升麻乾葛以疎其熱。
則煩燥壯盛者。非此何以定其標。重則有麻黃桂枝以司
其壅。則喘急腹脹者。非此何以救其危。未萌先泄。有熱症

莫作虛看。無熱症。便爲虛論。熱瀉投以清涼。更加發散。瀉投以溫補。仍作開提。內虛誤用寒涼。不特助伊。作瀉。熱如投補劑。必致轉增。劇安靜而能食。勿謂便實。而可下泄瀉。而煩渴。莫言熱症。以投涼。

痘之爲候。必先火熱如烙。然後痘暴於外。蓋天地化育萬物。雖賴土以生息。然土發育而無火。則偃匿而不克振故矣。人身一小天地。故痘若不壯熱熏蒸。焉能振拔於外。發洩其腎害之梟鬱哉。故曰五穀不熟。不秀實。痘疹不熟。不透徹。則肌鬆竅利。痘出粗肥勻淨。而無細密連片之虛。但太過者。則真元耗燼。以有限之血。抵無涯之火。鼎沸於



內輕變重重變危矣。然有當熱者如痘未出之前宜大熱以逐其毒。若反頭溫足冷則毒不能發越在外反致內潰而死矣。不當熱者如毒既出則宜表裏和平以長養氣血助毒成漿。如反壯熱則氣血煎熬往來不寧不能拘收其遷是以毒無出路變為紫黑乾枯失血狂擾脹滿而斃矣。凡發熱一日而見點者為鬼箭。此正不勝邪痘毒妄行集逸肌表凶之兆也。然鬼箭者驚厥又為上乘。蓋痘從心經火性疾速雖見點而亦漸次出濟粗肥磊落者也。如稠密湖小者大凶。若熱三四日而見點者為正候是氣血交會拘毒出於肌表之間邪正不相抗搏故乃熱退身涼見點。

紅潤立成。窠穴顧之兆也。若熱六七日而見點者爲愆期。是氣血凝滯。梟毒煩蒸。凶之徵也。至若乍涼乍熱。嬉笑如常。飲食如故。潮熱多日而見點者。此又最爲順候。因毒輕質厚。邪火難於感動。痘出必稀。又不可作愆期論也。因毒重痘之毒非熱不能發。痘之出非熱不能損。蓋痘雖必因熱而始出。然熱太甚則血氣虛損而出愈難。故發熱之初宜爲表散。見點之後宜爲清解。但痘疹熱者發生之機也不可過用寒涼。以損陽氣。若熱甚便秘者可微利之。如微熱者只當解毒。過發散則表虛。過寒涼則凝滯。驟補益則助火。是以表後宜補。補中兼表。此通變之術也。若起脹熱甚。

而無漿者則宜清火退熱熱退而漿日行若氣血虛而作潮熱不止者則宜十全大補湯主之更有痘後潮熱者之猶產後氣血大虛所謂火從虛發必於午後臉赤發熱也宜保元湯合四物湯加減服之

凡熱之時外者外治內者內治中外皆和其痘自出然又當審察天時如時大寒則腠裡閉密氣血凝滯防其發泄得遲而有毒氣壅遏之變治宜以辛熱之藥發之如時太熱則腠裡開張氣血淖澤防其發洩太急而有潰爛之變治宜以辛涼之藥發之若在乎候則以溫和之劑加治故宜順四時之氣勿伐天和如春肝旺治宜折風木之勝以

補脾之受制。如夏心旺。宜補肺之不足。如秋肺旺。治宜
散肺中之邪。如冬腎旺。治宜以勝表裏之寒。兼有暴寒
熱。久晴久雨。又宜變通。凡熱因於痘。治痘爲先。痘因於熱。
治熱爲要。熱必有本。求本治之。然痘在初熱。何能預識其
輕重乎。凡發熱而乍進乍退。氣色助勞。精神如故。大小便
調。能食不渴。目清唇潤。此毒輕也。痘必稀疏。卽多而必易
發。易靨如壯熱不減。氣色慘黯。精神昏悶。且不能食。二便
不調。目赤唇焦。此毒盛也。痘必稠密。若出疎者。防其有伏
但看身熱口渴俱止。精神爽快。便調能食。更無他若者。是
眞疎也。然旣識其候。何以解之。夫諸瘡皆屬於心。心之華

在面。故初發熱。如青筋現露。目中淚出。此毒發於肝。夫肝
木生心火。是從後來者。故爲實邪。肝爲水泡。風火相扇。必
作搔癢。其治宜夫解脾之毒。如面赤如錦。譫妄多驚。額上
紅筋現露者。此毒發於心。夫心火自旺。是爲正邪。君王不
明。多有陷伏不治。如口乾唇焦。面黃而燥者。此毒發於脾。
夫心火生脾土。是從前來。故爲虛邪。脾爲癰心爲疹。故必
夾痲來疹。兼脾主肌肉。爲火所灼。又必潰爛。治宜先解心
脾之毒。如面色眊白。鼻中乾燥。或清涕或衄出者。此毒發
於肺。夫心火刑肺金。是乘其所勝。故爲微邪。治宜解肺金
之毒。如而色黑氣。而如烟浮。目中見鬼。頭熱足冷者。此毒

發於腎。夫腎水尅心火。故爲賊邪。必成黑陷不治矣。

言曰瘡疹發熱。熱氣微者。其毒必少。痘出自疎。易發易愈。

熱氣甚者。其毒必多。痘出自密。難發難靨。且多他變。然有

熱微而痘出反密者。其人則必口燥渴。唇焦裂。小便赤大。

便秘是毒深而熱亦深。故表不大熱而裡熱甚也。或有熱

甚而痘出反疎者。其人則必口不渴。唇色潤。二便調。是身

雖大熱毒淺而熱亦淺。此表熱而裡氣和也。若至遍身如

火。晝夜不休。此是心火尤甚。脾土益燥。乃尖其常。又見口

渴。目赤唇焦。二便不利。煩躁咽痛。則尤其是表裡俱熱之症。

矣。寧可不投以黃連解毒湯之類。消散於六日之前。否則

熱壅不清。後變壞症。若外雖大熱。但面青而睛不黃赤。大便不秘。小便清者。此裡無蘊熱。不特黃連宜禁。卽生地丹皮升麻紫草亦不可多與。有傷陽氣。以致寒中。譬諸草木。必賴冬月潛藏。而陽春一轉。萌芽自生。但陽氣不可過於亢甚耳。

夫初熱之際。時時惡寒。其身振振搖動。如瘡之狀者。其人衛氣必虛。榮血亦弱。不能逼毒快出。乃使毒邪留連於經絡之中。欲出不出。與正相爭。邪火外射。乃化爲寒振振者。火之象也。不可誤作寒戰。妄投辛熱。以致誤人。然痘瘡必不免於熱者。蓋毒邪在裡。煎熬氣血。熏蒸臟腑。而然若既

現形則毒洩而熱解矣。故凡瘡出而熱即退者。必疎瘡而熱尚甚者。必密。然亦有身熱自始至終而不退者。是得於毒氣太盛。始末宜兼清解。若內症不退者。當看夫小便如何。以治之。如雖熱而精神不減。飲食二便如常。瘡依期起。灌順美者。此又性稟偏陽所致。亦當順其自然。但調其氣血。節其飲食。痘既收功而熱自退。勿過求全。反致有損。所以有火裡苗一種之痘。即此是也。

米厚三尺。非一日之寒。痘瘡蘊熱。非一日之熱。其所受最深也。然痘之發藏於內者。有各臟所屬之不同。彰於外者。有時日形症之自異。何以言之。假如連二三日而在寅卯。

辰時潮熱呵欠頓悶者。是肝旺寅卯潮熱者。毒乃運動也。預知其必多水泡。其瘡之色青而小也。如連三日而在巳午未時潮熱。時作驚悸者。是心旺巳午。預知其瘡有坑。其色赤而小也。如連在申酉戌時潮熱而赤。咳嗽噴嚏者。是肺旺在申酉。預知其必有膿泡。其瘡色微白而大也。如連在亥子丑時。乍發乍涼。手足冷而多睡者。是脾氣旺動所發爲疹。其瘡色黃赤也。惟腎在腑下。不受穢氣。惟內虛歸腎變黑者。屬腎症而難治。然有今日潮熱在於申酉。來日在於寅卯者。是必膿水二疱相雜而出。其餘可做類推。更有熱勢相同。其出則有遲速輕重之別者。此表熱裡熱深。

淺之有不同也。須於初熱之時。以手按顙門之下。如輕按
暑熱。重按久而反不熱者。則必由遲。如初輕按暑熱。
久而大熱者。則必出速。再看眼中神光。清如秋水。潤
底黑白分明。則必出輕。若瞳人暗晦。則必出重也。

論氣虛血熱熱毒壅遏症治法三則

凡氣虛之症。初發必身熱手足厥冷。乍熱乍涼。精神倦怠。
肌肉眈白。飲食減少。四肢困倦。睡臥安靜。便清自調。是屬
虛症無疑。其治法於未見點前。用參耆飲加輕劑發散。如
紫蘇防風之屬。見點之後。亦用參耆飲加輕劑升托。如用
芎桔梗之類。見點四日之後。則重用參耆。隨病加減處治。



南京中医药大学图书馆藏

七八日漿足之後。則用保嬰百補湯調養氣血而已。如至
塌陷黑靨者。則多用木香異攻散以收功。若夫血熱之症
初發。則必身熱壯盛。腮紅臉赤。毛焦色枯。煩燥渴飲。夜
日夜啼哭。睡臥不寧。好睡冷處。小便赤澀。是屬熱症無疑。
其治法於未出之前。升麻葛根湯。或升麻流氣飲。雖皆可
服。總不若十神解毒湯爲穩。及至見點三四日後。熱勢悉
平。勢將行漿。則用太乙保和湯加減。至八九日漿足之後。
則有保嬰百補湯調養之。若至七八日間。或爲紫黑乾枯。
及青灰乾黑陷者。則有奪命百祥猪尾等方。皆可審用。惟
經泄瀉之後。有黑陷乾紅者。則從木香異攻散以救之。若

夫熱毒擁遏之症初發。則必身熱壯盛。腮紅臉赤。皮燥。焦氣粗喘。滿腹脹煩。燥狂言譫語。睡臥不寧。大便秘結。小便便赤澀。面浮眼脹。多啼多怒。是屬熱毒壅遏之症。無疑其治之法。如未見點時。先服升麻葛根湯一服。隨服羌活散。鬱湯。時至況點三日之後。諸症悉平。勢將行漿。不過照前調治血勢之法而已。

論血熱痘症禁忌

血熱痘症初發。身體如烙。而熱毒彌盛。則毒氣無所分消。治宜重用升提發散。使毒以達表而從外解。引以滲泄疏利。使熱得以潤下而從內消。佐以清涼解毒。行血涼血之